

Brigit Gijsbers:

Ta mira un futuro marítimo prospero pa Aruba

Hulanda conhuntamente cu e 6 otro islanan den Caribe cu ta forma parti di Reino Hulandes, a reuni extensamente durante e Maritiem Overleg Platform (MOP) cu a tuma luga siman pasa, cual ta un reunion cu ta tuma luga anualmente. A reuni riba topiconan cu ta riguarda asuntonan marítimo, pero tambe riba aspectonan legislativo.

Sra. Gijsbers a comenta cu pa e ultimo 2 año a conoce un mehoracion di relacion entre Hulanda y Aruba cual mester

sigui mantene. Intencion ta pa continua cu e “Twinings Project”, pero pa involucra tambe e otro partnernan den Reino. Kier sigui cu e inspeccionnan adecuado y desaroya mas personal pa por eherce e tipo di trabounan aki profesionalmente.

E director ta mira cu Aruba tin un futuro positivo pa cu e desaroyo marítimo. E rapport di futuro marítimo ta ilustra diferente plan manera por ehempel registracion di barconan. Gijsbers ta mira complicacionnan cu tur e exigencianan stipula, pero na mes momento e ta kere cu un bon

maneho di Departamento di Nabegacion Aruba, lo genera fondonan pa economia di Aruba. E ta mira un bon potencial pa nos isla den esaki.

Como isla, aviacion ta importante pero tambe e aspecto marítimo y conhuntamente lo percura pa un situacion marítimo halto den seguridad, pero tambe teniendo na bista nos medio ambiente. Mester percura pa no dañá e sistema ecológico di nos awanan.

E MOP tabata uno cu tabata hopi positivo pa nos isla, mirando e posibilidadnan grandi cu ta presenta pa desaroyo e sector marítimo di Aruba. □

